

A painting of a young shepherd with dark hair and a beard, wearing a yellow tunic and a brown shawl. He is leaning over a rocky ledge, holding a wooden staff in his right hand and reaching out with his left hand towards a small white lamb. The background shows a green hillside and a blue sky.

KUVUNETELWA KUTAKO HI LE HEHLA

Mahala—Agi Xavisiwi

KUVUNETELWA KUTAKO HI LE HEHLA

“Kuvunetelwa kutako hi le Hehla” kuthlanganiswa ka mavesi ya Mitsalo yo Basa yi kumekako ka mathlelo ma hambeneko ya Biblia lawa ma fambelanako ni tihloko ta timhaka. Nza kholwaлезаку a muthlamuseli wa cukwana wa Mitsalo yo Basa hi Biblia ha goce.

A Mhaka ya Nungungulu yita “hi le hehla” niлезаку ya vuna nguvu a timbilu ti nga ni ndlala ni tora ga zo lulama. Loku a munhu a hunzuluka, a tsika kuonha, a ramba Hosi Jesu Kristu a ku enghena a tshama mbilwini yakwe, a kholwa hi mbilu yonthle yakwe ka Hosi Jesu Kristu kota Muhanyisi, a Hosi yi ta ti wonekelisa ka yena ni ku nyika a litsako ni kurula ka yona ka mbilu ya mukholwa. Nzi kumile lezo mina hi 1937 ni a kusukela lezo cima a nzi se ku tsema a wuhleneli legi go saseka zinwe ni Hosi. Loku u nga se ku maha lezo nza ku khongotela a ku u ti nyikela ka yena kota a Hosi ni Muhanyisi wa wena zalezi.

— Watson Goodman (1920-2002)

A LIRANZO LA NUNGUNGULU

1

Kanilezi Nungungulu wa kombisa a kuhiranza kakwe hi lexi, lezaku na ha hi vaonhi Kristu i lo hi fela.

—Va Le Roma 5:8

A mubuzo wa Pasika na wu nga se va kona, Jesu na a zi tiva lezaku a xikhatti xakwe xi chikele xa kuva a suka tikweni, aya ka Daddani, lezi a nga ranza a vanhu vakwe lava va nga laha misaveni, i lo va ranza kala kugumesa.

—Johani 13:1

A ku na munhu a nga ni liranzo la hombe lo hunza leli, lezaku munhu a nyikela kuhanya kakwe hi kota ya maxaka yakwe.

—Johani 15:13

Ni ka Jesu Kristu, a kustumunyu a tsumbekileko, loyi a nga matewula ya vafileko, a Hosi ya tihosi ta misava. A ka yena loyi a hi ranzako, a nga hi tlhatlha zionhweni za hina hi nkhata wakwe.

—Kuvululelwa 1:5

Hakuva Nungungulu i lo ranza tiko kota lezi, a kala a nyikela a N'wana wakwe a belekilweko yece, kasi ni wihi loyi a kholwako kakwe a nga lovi, kanilezi ave ni wutomi ga pinzukelwa.

—Johani 3:16

Jehova i wonekile ka mina hi le kule, aku: nzi ku ranzile hi liranzo li nga gumelwiko; nza ku hlayisela a tipswalo ta mina. —Jeremia 31:3

Kunene a fihlakalo wa kukholwa ka hina wa hombe nguvu: Loyi a nga wonekeliswa nyameni, a kumiwa na hi loyi a lulamileko Moyeni, a woniwa hi tingelosi, a kanelwa xikari ka vamatiko, a kholwiwa laha misaveni, a tla-kuselwa kungangameleni.

—1 Timote 3:16

A kusangulenii gi wa hi kona Gezu, Gezu gi wa hi na Nungungulu, Gezu gi wa hi Nungungulu. Zonake Gezu gi lova ni miri, gi tshama xikari ka hina; . . . na a tele hi wuxinji ni zinene. —Johani 1:1 ni 14

Makunu zontlhe lezi zi mahekile
aku kasi ku fela ku tatiseka lezi a

Hosi yi nga wula hi muprofeti, ku ngalo: Langutani, a nhwana i ta xura nyimba, i ta beleka nisanya-na, va ta mu chula vito gakwe aku hi Immanueli; lezo hi ku tlhamusela zi wula ku ngalo: Nungungulu i na hina. —Mateu 1:22, 23

Mina na Dadani hi munwe.

—Johani 10:30

Jesu aku kakwe: Kale na nzi tshamile na nwina, kasi a ku nzi tivi ke, Filipu? Loyi a wonileko mina, i wonile ni Dadani: u wulawula hikuyini uku, hi wonise Dadani? A ku kholwi lezaku mina nzi kona ka Dadani, na Dadani i kona ka mina ke? —Johani 14:9, 10a

1 Johani 4:15

Kani hi wihi a vumelako lezaku
Jesu i N'wana wa Nungungulu,
Nungungulu i tshama ka yena, na
yenawu i tshama ka Nungungulu.

Luka 1:35

A ngelosi yi lo hlamula yiku ka
yena: A Moya wa ku Basa wu tata
hehla ka wena, ni ntamu wa loyi a
nga Hehla-Hehla wu ta ku fene-
ngeta; hikwalaho a n'wana wo ba-
sa loyi a ta nga belekiwa i ta vita-
nwa a N'wana wa Nungungulu.

Isaya 9:6

Hakuva hi pswalelwé n'wana, hi
nyikilwe a nisanyana, a wuhosi gi
vekilwe makatleni yakwe; yena i
ta vitanwa ku Sungukati gi Hla-

malisako, Nungungulu Nyamin-
tamu, Dadani wa Pinzukelwa,
Hosi ya Kurula.

Mateu 17:5

Na a ha wulawula, a refu go
ngangamela gi lo va khubhunye-
ta; a gezu gi huma refiní giku:
Loyi hi Nwananga a ranzekako,
nzi xaleleko ha yena; mu ingiseni.

Johani 9:37

Jesu aku kakwe: U mu wonile,
hi yena loyi a wulawulako na
wena.

Va Le Kolosi 2:9

Hakuva a kutala kontlhe ka wu-
Nungungulu ku tshamile ka yena
hi miri.

JESU WA HI BYELA AKU HI YENA MANI

Johani 8:23 ni 58

Aku ngalo kabye: Nwina mu huma hi lahasi, mina nzi huma hi le hehla; nwina mu va misava, mina a nzi wa misava leyi . . . Jesu aku ngalo kabye: Hizinene nziku ka nwina: Nzi wa hi kona Abrahama na a nga se ku pswaliwa.

Johani 4:25, 26

A wasati aku ngalo kakwe: Nza zi tiva lezaku Messia wata, loyi a tibyako Kristu; loku a chikele, i ta hi tivisa zontlhe. Jesu aku ngalo ka yena: Mina loyi nzi wulawulako na wena, nzi mina yena.

Johani 6:35

Jesu aku kabye: Mina nzi xiba-ba xa wutomi. Loyer a tako ka

mina a nga tazwa ndlala, ni loyi a kholwako ka mina, cima a nga tazwa tora.

Johani 9:5

Laha nzi nga kona tikweni, nzi kuwonekela ka tiko.

Johani 10:7

Hikwalaho Jesu i lo engeta aku ka vona: Hizinene nziku ka nwina: Mina nzi nyangwa ya tiyivu.

Johani 11:25

Jesu aku kakwe: Mina nzi kuvuka ni wutomi; loyi a kholwako ka mina, hambu loku a file, i ta hanya.

Mu nzi vitana muku: Mugonzi-si, ni Hosi; mu wula zona, hakuva hi mina yena. —Johani 13:13

Mateu 14:19-21

Loku a byelile zidlemo a ku tshama lahasi byanyini, i lo teka a ntlhanu wa zibaba ni zidluwani zimbiri, a cuwuka tilweni a zi katekisa, a khema zibaba a zi nyika ka vapizani, a vapizani va avela zidlemo. Vontlhe va loga va xura. Zonake ku lo rolelwa a matlhatlha ma seleko, ku tala khume ga zirunzu ni zimbiri. Lava va ngaga i 5,000 wa vavanuna, ku nga hlayiwi a vavasati ni vanana.

Luka 5:5, 6

Simoni i lo hlamula, aku: Hosi, hi tirile wusiku gontlhe, a hi kumangi nchumu; kanilezi hi kota ya

kulaya ka wena nzi ta tlonweka tikoka. Laha na va mahile lezo, va lo kukuta zidluwani zo tala nguvu, laha ka kuva a tikoka tabye ti hanzuka.

Mateu 20:30 ni 32b-34

Languta, a zikhumu zimbiri zi nga tshamile ndleleni, laha na zi zwile lezaku Jesu wa hunza, zi loba huwa, ziku: Hosi, n'wana Davida, hi mahele wuxinji. . . . Jesu . . . aku: Mu ranza a ku ngaha nzi mu mahela yini ke? Ziku ka yena: Hosi, a mahlo ya hina a ma hanyiswe. Jesu na a zi zwele wusiwana, i lo khumba mahlo ya zona; zi lo tlhela zi wona zalezo, zi mu lanzela.

Hakuva a zilo zontlhe zi vangi-lwe ha yena, le tilweni ni laha misaveni, a zilo zi woniwako ni lezi zi nga woniwiko, kutani zitshamu za wuhosi, kutani mifumo, kutani vafumeli va mimoya, kutani mintamu; zontlhe zi vangi-lwe hi yena, zi vangelwa yena.

—Va Le Kolosi 1:16

Zilo zontlhe zi lo mahiwa hi yena; hi lahandle kakwe a ku mahi-wangi nchumu xikari ka lezi zi mahilweko. —Johani 1:3

Nungungulu i lo wulawula kale hi zikhatti ni zikhatti ka vakokwani hi vaprofeti hi mawulawulela ma tsalangeneko; kanilezi a ka masiku laya ya kugumesa i wulawulile

ka hina hi N'wana wakwe, loyi a nga mu yimisa a kuva xigatshom-ba ya zilo zontlhe, loyi a nga maha ha yena misava.

—Maheberu 1:1, 2

... Nungungulu, loyi a nga va-naga zilo zontlhe.

—Va Le Efesusi 3:9b

Hikwalaho ngha yindlu yontlhe ya Israeli yi tiva hi kutiyisilweko, lezaku Nungungulu i mu mahile Hosi ni Kristu, yena Jesu loyi mu nga mu belela. —Mitiro 2:36

Hakuva Kristu i lofa a tlhela a hanya, lezaku a fela kuva Hosi ya vafileko ni vahanyako.

—Va Le Roma 14:9

Va Le Roma 14:10

Hikuyini wena u lamulako makabye wa wena ke? Kambe, hikuyini u kanyisako makabye wa wena? Kasi lezo hina hontlhe hi ta yima mahlweni ka xitshamu xa kulamula xa Nungungulu.

2 Timote 4:1

Nza ku hlambanyisa mahlweni ka Nungungulu, ni ka Kristu Jesus, loyi a ta nga lamula a vahanyako ni vafileko, na hi kuwoneka kakwe ni mufumo wakwe, nziku.

Mateu 25:31, 32

Kanilezi laha a N'wana wa munhu a ta ngata hi kungangamela kakwe, ni tingelosi tontlhe ti hi zi-

nwe naye, zonake i ta tshama xitshanwini xakwe xa kungangamela. Ku ta tsombanyiswa a matiko wontlhe mahlweni ka yena; i ta va hambanyisa a vanwe ka vanwani, kota a murisi a phakako tiyivu ka timbuti.

Johani 5:22

Tlhatakumbiri, Dadani a nga lamuli munhu ni munwe, kanilezi i hindleletele N'wana a kulamula kontlhe.

Va Le Roma 2:16

Zi tava tano hi siku lego Nungungulu a ta nga lamula a zigungu za vanhu ha Jesu Kristu, kotisa lezi yi wulako a ivangeli leyi nzi yi kanelako.

Mina nzi nyangwa, loku munhu
a enghena ha mina, i ta hanyiswa;
i ta enghena a huma, a kuma mi-
kova.

—Johani 10:9

Jesu aku kakwe: Mina nzi ndle-
la, ni zinene, ni wutomi; a nga
kona a tako ka Dadani, loku a
ngati ha mina.

—Johani 14:6

Hikwalaho nzi mu byelile, leza-
ku mu ta fela zionhwени za nwina;
hakuva loku mu nga kholwi leza-
ku nzi mina yena, mu ta fela zio-
nhweni za nwina.

—Johani 8:24

Na a mbhelelisilwe i lo maha a
muvangi wa kuhanyiswa ka pin-
zukelwa ka vontlhe lava va mu
ingisako.

—Maheberu 5:9

Va Le Roma 3:24

Na va nga hi na fanelo va hlaye-
lwa kululama hi kota ya tipswalo
takwe, hi kota ya kutirulwa loku
ku nga ka Kristu Jesu.

Maheberu 7:25

Hi kota ya lezo i na ni ntamu wa
ku hanyisa hi kumbheleleko vona
lava va tshinelako ka Nungungu-
lu ha yena, hakuva wa hanya
xontlhe xikhati kasi ku va kombe-
lala.

Mitiro 4:12

A ku kona kuhanyiswa hi ka
munwani; hakuva a ku na vito
ginwani lahasi ka tilo, legi gi nyi-
kilweko xikari ka vanhu, legi hi
nga hanyiswako ha gona.

1 Va Le Korinte 1:30

Kanilezi i ntiro wakwe lezi nwina mu nga ka Kristu Jesu, loyi Nungungulu a nga mu yimisa a kuva wutlhari ga hina, ni kululama ka hina, ni kubasiswa ni kutirulwa.

Titusi 2:14

Loyi a nga ti nyikela hi kota ya hina, kasi a fela ku hi tirula kubi-heni kontlhe, a ti basisela a vanhu lava va ta ngava vakwe, va pinya-mileko mitirweni yo saseka.

Va Le Kolosi 1:12-14

Na mu bonga Dadani, loyi a hi mahileko hi hi ni fanelo a kuva vahlengeli va tshomba ya vobasa le kuwonekeleni. Yena i lo hi

hlanguta ntanwini wa munyama, a hi enghenisa mufunweni wa N'wana wakwe a ranzekileko, loyi hi nga ni kutirulwa ha yena, ku nga kutsetselelwa ka zionho za hina.

Luka 19:10

Hakuva a N'wana wa munhu i tele ku ta lava ni ku hanyisa lezi zi lahlekileko.

Kuvululelwa 5:9

Ma lo yimbelela lisimu liswa, maku: Wena u fanele ku vuluva bhuku, ni ku namula zifungo za gona; hakuva u wa tlhabiyilwe, u xavele Nungungulu a vanhu va tixaka tontlhe hi nkhata wa wena, ni tirimi, ni mufumo, ni matiko.

Nguvunguvu lezi makunu hi hlayelwako kululama hi kota ya nkhata wakwe, hi ta poniswa zangeni hi yena. —Va Le Roma 5:9

Hi kuma ha yena a kutirulwa ka hina hi kota ya nkhata wakwe, ku nga kutsetselelwa ka zihambuko za hina, hi ku ringana ni kutala ka tipswalo takwe.

—Va Le Efesusi 1:7

Ma zi tiva lezaku mu tirulwe mahanyeleni ya nwina ya hava, lawa mu tolovetilweko wona hi vakoko va nwina, na ku nga hi hi zilo zi bolako, a siliva kutani nzalama, kanilezi mu tirulwe hi nkhata lowu wa malongo, wo kota wa yivana yi nga hiko na

khwanga ni bawa, wu nga wona nkhata wa Kristu.

—1 Pedro 1:18, 19

Kanilezi loku hi famba kuwonekeleni, kota lezi yena a nga kuwonekeleni, hina hi hlengele munwe ni munwani, ni nkhata wa Jesu a N'wana wakwe wa hi hlaza zionho zontlhe.

—1 Johani 1:7

Nguvunguvu a nkhata wa Kristu, loyi a nga ti nyikela ka Nungungulu hi Moya wa pinzukelwa na a nga hi na kusoleka, wu ta hlaza a tivalo ta nwina, wu susa a mitiro leyi yi fileko, kasi ma fela ku khozela a Nungungulu a hanyako.

—Maheberu 9:14

Hakuva hi kota ya tipswalo mu hanyisilwe hi kukholwa; na kunga hi kumaha ka nwina, xinyikiwo xa Nungungulu. A zi kumeki hi mitiro,лезаку munhu a nga ti kulisi. —Va Le Efesusi 2:8, 9

Hikwalaho na hi hlayelwe kulumala hi kukholwa, hi na ni kurula ni Nungungulu hi Hosi ya hina Jesu Kristu. —Va Le Roma 5:1

Hakuva ka Kristu Jesu a wutshiva ni wukhuna a zi vuni nchumu, sine a kukholwa loku ku tirako hi liranzo. —Va Le Galatia 5:6

... Kholwa ka Hosi Jesu, zona-ke u ta hanyiswa, wena ni ngango wa wena. —Mitiro 16:31

1 Johani 5:4

Hakuva kani hi xihi lexi xi bele-kilweko hi Nungungulu xa hlulatiko; a kuhlula loku ku hlulileko tiko hi kukholwa ka hina.

Johani 6:28, 29

Vaku ngalo kakwe: Hi fanele ku maha yini, kasi hi tira mitiro ya Nungungulu ke? Jesu i lo hlamulla, aku kabye: A ntiro wa Nungungulu hi lowu,лезаку mu kholwa ka yena loyi a mu rumileko.

Johani 20:31

Kanilezi lezi zi tsalilwe, aku kasi mu fela ku kholwaлезаку Jesu hi Kristu, a N'wana wa Nungungulu; ni ku hi kukholwa mu fela kuva ni kuhanya vitweni gakwe.

Tisimu 103:11, 17

Hakuva khwatsi hi lezi a tilo gi tlakukileko hehla ka misava, zitano a wuxinji gakwe ka lava va mu chavako. . . . Kanilezi a wuxinji ga Jehova ga kala kupinzuka ka vona lava va mu chavako, ni kululama kakwe ka vazukulu.

2 Va Le Korinte 1:3

A bongiwe Nungungulu . . . a Dadani wa wuxinji ni Nungungulu wa kuchavelela kontlhe.

Mikosi 3:22, 23

Tipswalo ta Jehova lezaku hi nga se lova, hakuva a wuxinji gakwe a gi mbheli. Gi tlhela gi hi giswa mixo ni mixo, a kutsumbeka ka wena ka hombe.

Hi wihi a Nungungulu loyi a fannako na wena, loyi a tsetselelako kubiha, a rivalelako a zihambunyeto za misalela ya tshomba yakwe ke? Wena a ku zangari kala kupinzuka, hakuva wa tsaka ku zwela wuxinji. —Mika 7:18

Hakuva wuxinji ga wena gi tlakukile a hehla ka matilo, ni kutsumbeka ka wena ku chikela mafini. —Tisimu 108:4

I lo hi hanyisa, na ku nga hi mitiro ya kululama, leyi hina wutsumbu hi yi mahileko, kanilezi hi wuxinji gakwe, ni kuhlaziwa ka kupswalwa luswa, ni ku mahiwa luswa hi Moya wa ku Basa.

—Titusi 3:5

NUNGUNGULU WA HI RAMBA A KUTA KA YENA 13

Isaya 1:18

Tanani, hi wulawulisana timhaka, ku wula Jehova. Hambu loku zionho za nwina zi pswhukile, zi nga basa khwatsi i gapongo; hambu loku zi pswhukisile ku zirila, zi nga ku khwatsi i woya go basa.

Kuvululelwa 22:17

A Moya ni muswika ve ngalo: Tana! Ni loyi a zi zwako, a wule aku: Tana! Loyi a zwako tora, ate! Ni loyi a zi ranzako, ngha akha mati ya wutomi mahala.

Isaya 55:1

Nwina nwentlhe mu nga ni tora, ngonani matini; na nwina lava mu nga hava mali, Ngonani mu ta xava mavele muga; ina, Ngonani mu

ta xava mavele ahandle ka mali, mu kuma vinya ni masi mahala.

Johani 7:37

Hi siku go gumesa, legi gi nga siku ga hombe ga mubuzo, Jesu i lo yima, aba hungu, aku: Loku munhu azwa tora, a ate ka mina, a tanwa.

Marku 10:14

Laha Jesu na zi wonile, i lo tsanwa, aku kabye: Vumelani a vanana a kuta ka mina, mu nga va belleteli; hakuva a mufumo wa Nungungulu ngwa va kunghahi.

Mateu 11:28

Tanani ka mina, nwina nwentlhe mu tirako ni ku binzwa, nzi ta mu humuta.

AHI VONTHLE VANHU VA NGA VANA VA NUNGUNGULU

Va Le Roma 8:14, 15

Hakuva vontlhe lava va range-
lwako hi Moya wa Nungungulu,
lava hi vana va Nungungulu. Ha-
kuva a mu amukelangi a moya wa
wukhumbi lezaku mu tlhela mu
chava; kanilezi nwina mu lo amu-
kela a moya wa wun'wana, lowu hi
vitanako ha wona, hiku: Abba!
Dadani!

Va Le Filipi 2:15

Kasi ma fela ku kala mu nga hi
na kusoleka, mu basa, mu hi vana-
na va Nungungulu, lava va nga hi-
ko na bala xikari ka xizukulwana
xi gombonyekileko ni xi bihileko,
lexi mu woningako xikari ka xona

khwatsi hi kuwonekela laha misa-
veni.

2 Va Le Korinte 6:17, 18

Hikwalaho ti hambanyiseni mu
huma xikari ka vona, ku wula Ho-
si; mu nga khumbi a xilo xo nye-
nyeza, zonake nzi ta mu amukela.
Nzi tava Raru wa nwina, nwina
mu tava a varisanyana ni vanha-
nyana va mina, ku wula Hosi ya
Nyamintamu.

Johani 1:12

Kanilezi vontlhe lava va nga mu
amukela, i va nyikile ntamu wa ku
maha vana va Nungungulu, vona
lava va kholwako hi vito gakwe.

LEZI NUNGUNGULU A WULAKO XUNGETANO NI BYALA

15

Va Le Galatia 5:19-21

Makunu a mitiro ya nyama yi la su dlunya, yi nga leyi: a kubhaya, a kungahlazeki, a wurembi, ni ku khozela vanungungulu va hava, a wutumbe, a wulala, a timholova, a xiluse, a zanga, a kubangana, a kuhambara, a kukanetana, a timbilu, a kupopipiwa, a wudakwa, ni zilo za kunghahi; nza mu luleka ha zona kota lezi nzi nga mu luleka kuranga, lezaku lava va mahako a zakunghaho va nga taga tshomba ya mufumo wa Nungungulu.

Va Le Roma 13:13, 14

A hi fambeni hi fanelo, khwatsi hi laha hlikanhini; na ku nga hi

wudakwa ni kupopipiwa, ni wuoswi, ni manyala, ni kuholovisana, ni wukhuxu. Kanilezi ambalani a Hosi Jesu Kristu, mu nga alakanayeli a nyama, a kuva mu lanza a kunavela ka yona.

Khombo ka vona lavo va vinzukako ni mixo, va tsutsumela byala, ni lava va hungatekako laha wusikwini, va hiswa hi vinya.

—Isaya 5:11

U nga cuwuki a vinya loku gi pswhukile; loku gi pupuma lomu ka gombe: ni loku u ginwa gi relela ha goce. Hi kugumesa gi luma kota nyoka; gi khohosa kota mamba. —Mavingu 23:31, 32

Mateu 22:37, 38

I te ngalo kakwe: U ta ranza Hosi Nungungulu wa wena hi mbilu ya wena yontlhe, ni muhefemulo wa wena wontlhe, ni kupima ka wena kontlhe. Lowu hi nayo wa hombe ni wa kuranga.

Marku 10:17-22

... Mugonzisi wa nene, nzi ta maha yini, kasi nzi fela kuga a tshomba ya wutomi ga pinzuke-lwa ke? Jesu aku kakwe: Hi yini u nzi vitanako uku nzi nene ke? Aku na wa nene saseka munwe, yena Nungungulu. Wa yi tiva milayo leyi yi nge ngalo: U nga dayi, U nga bhayi, U nga yivi, U nga mahi wukustumunyu ga mawunwa, U

nga kalaveli, Chava raru wa wena ni nyine wa wena. Yena aku ngalo kakwe: Mugonzisi, zontlhe lezi nzi zi hlayisile kusukela wusweni ga mina. Jesu na a mu cuwuka i lo mu ranza, aku kakwe: Wa ha vu-mala xilo xinwe; famba u ya xavi-sa zontlhe lezi u nga nazo, u nyika zisiwana; zonake u tava ni tsho-mba le tilweni; zonake ngone u nzi lanzela. I lo tshuvika nghohe hi legi gezu, a famba na a karateka; hakuva i wa hi ni titshomba to tala.

Mavingu 16:25

Yi kona ndlela yi wonekako na yi lulamile munhwini, kanilezi magumo ka yona yi yisa kufeni.

Va Le Galatia 6:7

Mu nga ti khohlisi, Nungungulu a nga kalavisiwi; hakuva lexi munhu a xi byalako, xwalexo i ta xi tshovela.

I Johani 3:7, 8a

Vana vanga, ngha mu nga kanganayiswi hi munhu; loyi a maha-ko lezi zi lulamileko i lulamile, ko-ta lezi yena a lulamileko. Loyer a onhako ngwa Satani, hakuva Satani i onhile hi le kusangulen.

I Va Le Korinte 6:9, 10

Xana a mu zi tivi lezaku a van-galulamangiko va nga taga a tshomba ya mufumo wa Nungungulu ke? Mu nga kohliswi: hakuva a zirembi, ni vakhozeli va zifa-

naniso, ni zibhayi, ni lava va ti ma-hako vavasati, ni lava va ti bihisako ni vanwani vavanuna, ni makhamba, ni zinaveli, ni zidakwa, ni lava va rukatelako, ni vaphangi; a va kunghaho va nga taga a tshom-ba ya mufumo wa Nungungulu.

Va Le Efesusi 5:6

Ngha mu nga dzuki mu kanganayiswa hi timhaka ta hava; hakuva hi kota ya zionho zo maha lezo gata a khulo ga Nungungulu he-hla ka lava va nga ingisiko.

Va Le Galatia 6:3

Hakuva loku a munhu a ti ala-kanyela aku i nchumu, na a nga hi nchumu, wa ti kanganyisa.

Hikwalaho khwatsi hi lezi a kuonha ku nga enghena misaveni hi kota ya munhu munwe, ni kufa ku tile hi kota ya kuonha; hizalezo a kufa ku lo thapela vanhu vontlhe, hakuva vontlhe va onhile.

—Va Le Roma 5:12

Zonake a kunavela, loku ku xurile nyimba ku pswala kuonha; ni kuonha laha na ku kulile ku pswala kufa.

—Jakobe 1:15

Hakuva a maalakanyo ya nyama hi kufa, kanilezi a maalakanyo ya Moya hi kuhanya ni kurula. Hakuva a maalakanyo ya nyama wulala ka Nungungulu; hakuva a ma ingisi a nayo wa Nungungulu, futsi a ma zi koti.

—Va Le Roma 8:6, 7

A muhefemulo lowu wu onhako wu tafa; a n'wana a nga ta rwala a kugoha ka raru wakwe, ge hambu raru ku rwala a kugoha ka n'wana. A kululama ka loyi a lulamileko ku tava hehla kakwe, ni kubiha ka loyi a bihileko ku tava hehla ka yena.

—Ezekieli 18:20

Kanilezi zi wa fanele ku va hi tsaka ni ku nengela; hakuva a nakuloni loyi i wa file, kanilezi i tlhe-lile a hanya; i wa lahlekile, makanu i kumilwe.

—Luka 15:32

Loyi a tiyileko kululameni wa bhinzula wutomi; hilezo, loyi a lanzelako kubiha i ti yisa kufeni.

—Mavingu 11:19

A kombisiwa hi ntamu lezaku i N'wana wa Nungungulu hi Moya wa wubaswa, hi kuvuka kakwe hi ka vafileko. Hi yena Jesu Kristu a Hosi ya hina. —Va Le Roma 1:4

Laha na a wulile lezo, i lo vitana hi gezu ga hombe, aku: Lazaru, huma! Loyi a nga file i lo huma, na a bohilwe mandla ni mikonzo hi miceka ya zilahlelo, ni nghohe yakwe yi fenegetilwe hi lesu. Jesu aku kabye: Mu tlhatlheni, mu mu tsika a famba.

—Johani 11:43, 44

Jesu i lo tshinela, a khumba li-hlaka, ni lava va nga mu rwala va lo yima. Aku ngalo: Jaha, nziku

ka wena, Vuka! Ni loyi a nga wa file i lo vuka, a sangula ku wula-wula.

—Luka 7:14, 15a

Dadani wa nzi ranza, hakuva nzi nyikela a kuhanya ka mina, kasi nza fela ku ku teka kambe. A ku na munhu a nzi tekelako kona, kanilezi nza ku nyikela ha nzoce. Nzi na nzi ntamu ku ku nyika, nzi na ni ntamu wa ku tlhela nzi ku teka. Nzi leletelwe lezo hi Dadani.

—Johani 10:17, 18

Ni Loyi a hanyako. Nzi wa file, kanilezi makunu nza hanya kala kupinzuka; nzi na ni tipfhungulo ta kufa ni ta wutshamu ga vafileko.

—Kuvululelw 1:18

Deuteronomie 5:7-21

U nga ta kuva ni vanwani vanungulu mahlweni ka mina.

U nga ti maheli xifananiso xi vatlilweko xa zilo lezi zi nga le hehla tilweni, ni xa lezi zi nga lahasi misaveni, hambu ni xilo xa lezi zi nga lomu matini lahasi ka misava. U nga zi khizameli, hambu ni ku zi khozela

U nga hlakani hi vito ga Jehova, Nungungulu wa wena, hakuva Jehova a nga ta mu khoma kota munhu a nga hava nanzu, loyi a hlakanako hi vito gakwe.

Hlayisa a siku ga Sabado u gi basisa, kota lezi Jehova Nungungulu wa wena a ku leleteleko. U

ta tira ntlhanu wa masiku ni ginwe, u maha yontlhe mitiro ya wena. . . .

Chava raru wa wena ni nyine wa wena, kota lezi **Jehova Nungungulu** wa wena a ku leleteleko

U nga dayi.

U nga bhayi.

U nga yivi.

U nga lumbeti wakelane wa wena hi wumboni ga mawunwa.

U nga naveli sati wa muakelane wa wena, u nga naveli a yindlu ya muakelane wa wena, hambu ni simu gakwe, ni xitiri xakwe xa wanuna ni xa wasati, ni homu yakwe, ni mbongola yakwe, hambu ni xihi xilo xa muakelane wa wena.

Joba 34:21, 22

Hakuva a mahlo yakwe ma languta a tindlela ta vanhu, a wona wontlhe mafambela yabye. A ku na munyama, a ku na nzhuti wa kufa, laha a vagohi va ta nga fihlala kona.

Jeremia 23:24

Xana munhu a nga fihlala matshanwini ya zihundla lezaku nzi nga mu woni ke? ku wula Jehova. Xana a nzi tatisi a tilo ni misave ke? ku wula Jehova.

Tisimu 139:8 ni 12

Loku nzi kanziha tilweni, laho u kona, ni loku nzi etlela Xeole, u kona lomo kambe. . . . A ka wena a munyama a wu phumi, a wusiku

gica kukotisa hlikanhi; a ka wena a munyama ni kuwonekela zi ringene.

A mahlo ya Jehova ma wona matshamu wontlhe; ma cuwuka la'vo biha ni va kululama.

—Mavingu 15:3

Hakuva a xi kona ximahwa xi fihlilweko mahlweni ka yena; kanilezi zontlhe zi vululwe ziku dlunya mahlweni ya yena loyi hi ta nga ti hlamulela mahlweni kakwe.

—Maheberu 4:13

Hakuva a ku na xilo xi fihlilweko, xi ta nga kala ku wonekeli-swa; hambu ni xilo xa le xihundle-ni, lexi xi ta nga kala ku tibyiwa xita kubaseni.

—Luka 8:17

22 KUTSAYISWA KA PINZUKELWA KA LAVA VANGA CHAVIKO NUNGUNGULU

Mateu 13:41, 42

A N'wana wa munhu i ta ruma a tingelosi takwe, ti ta wungeletela ti humesa mufunweni wakwe zontlhe lezi zi khunguvanyisako, ni lava va mahako kubiha, ti ta va hoxa phingweni ga nzilo; laho ku tava kona a mikosi ni kugetsela ka meno.

Tisimu 9:17

A vakubiha va ta tlhelela Xeole, vontlhe a vamatiko va rivalako Nungungulu.

2 Pedro 3:7

Kanilezi a matilo laya ma nga kona makunu, ni misava, zi hlayiselwe nzilo hi gezu gwalego,

zi gongelwa a siku ga kulamulwa ni ga kulobyiswa ka vanhu lava va nga chaviko Nungungulu.

Vona va ta tsayiswa hi kulobyiswa ka pinzukelwa, va hlongolwa mahlweni ka Hosi ni ka kungangamela ka ntamu wa yona.

—2 Va Le Tesalonika 1:9

Loku a canja ga wena kutani konzo wa wena zi ku khunguvanyisa, zi tseme, u zi hoxa kule; ha-kuva zi ku sasekele ku enghena kuhanyeni u hi xilema, kutani u khwita, ku hunza a ku hoxiwa nzi-lweni wa pinzukelwa na u ngha u hi ni mandla mambiri ni mikonzo mimbiri.

—Mateu 18:8

Hakuva i vekile a siku legi a ta
nga lamula ha gona tiko hi kulula-
ma hi munhu loyi a mu yimisileko;
hi ka kona i nyikile a xitsumbiso
ka vanhu vontlhe, hilezi a nga mu
vuxa hi ka vafileko.

—Mitiro 17:31

A Hosi ya zi kota ku hlanguta
kuringweni lava va chavako Nu-
ngungulu, ni ku khoma a vangalu-
lamangiko va tsayiswa kala sikwi-
ni ga kulamulwa. —2 Pedro 2:9

A liranzo li mbhelelisilwe xikari
ka hina loku hi hi ni kutiya hi
tlhelo ga siku ga kulamula; haku-
va kota lezi yena a nga zona,
hinawu hi zalezo tikweni legi.

—1 Johani 4:17

Kambe kota lezi ku yimiselwe-
ko vanhu a kuva vafa kanwe, va
lamulwa. —Maheberu 9:27

Ku lo vululwa ginwani bhuku gi
nga bhuku ga wutomi; ni vafileko
va lo lamulwa hi lezi zi tsalilweko
mabhukwini hi mitiro yabye.

—Kuvululelwa 20:12b

Hakuva hina hontlhe hi yime-
lwe hi ku wonekeliswa kota lezi hi
nga zona mahlweni ka xitshamu
xa kulamula xa Kristu; kasi mu-
nwe ni munwani a fela ku amuke-
la lezi zi ringanako lezi a zi mahile-
ko na a ha hi mirini, kutani zo sa-
seka hambu zi hi za kubiha.

—2 Va Le Korinte 5:10

Kanilezi a xinyikiwo xa wuxinji a xi fanani ni xihambuko. Hakuva loku a vanyingi va file hi kota ya xihambuko xa munhu munwe, hikwalaho ti anzasilwe nguvunguvu ka vanyingi a tipswalo ta Nungungulu, ni xinyikiwo xa tipswalo xi tileko hi munhu munwe, yena Jesu Kristu. —Va Le Roma 5:15

Hikwalahoke, a ziti hi kuranza ka munhu, kutani hi kutikarata kakwe, kanilezi zita hi ka Nungungulu loyi a nga ni wuxinji.

—Va Le Roma 9:16

Hakuva Nungungulu wa ala a vamatshanza, kanilezi i nyika tipswalo ka lava va ti koramisako.

—1 Pedro 5:5b

Hakuva ma ti tiva a tipswalo ta Hosi ya hina Jesu Kristu, lezaku hambu lezi a nga fumile, i lo maha xisiwana hi kota ya nwina, lezaku nwina mu fela ku fuma hi kota ya wusiwana gakwe.

—2 Va Le Korinte 8:9

A ku bongiwe Nungungulu hi kota ya xinyikiwo xakwe lexi xi nga wulekiko. —2 Va Le Korinte 9:15

Kanilezi laha kuonha ku nga anza, a tipswalo ti lo anza nguvunguvu; lezaku kota lezi a kuonha ku nga fuma kufeni, lezo kambe a tipswalo ti fela ku fuma hi kululama ku yisako wutomini ga pinzukelwa ha Jesu Kristu a Hosi ya hina. —Va Le Roma 5:20b, 21

Nungungulu i lo hunisela zikhati za kungativi; kanilezi makunu wa laya vanhu vontlhe, a matshawnini wontlhe, lezaku va hunzuluka.

—Mitiro 17:30

Ahihi, kanilezi nziku ka nwina: Loku mu nga hunzuluki, nwina nwentlhe mu ta lobyisisa lezo.

—Luka 13:3

Aku: Hunzulukani, hakuva mu-fumo wa tilo wu tshinele.

—Mateu 3:2

Pedro aku ngalo kabye: Hunzulukani, mu bapatzwa nwentlhele vitweni ga Jesu Kristu, kutsetselelwani ka zionho za nwina;zonake mu ta amukela a xinyikiwo

xa Moya wa ku Basa. . . . Hikwalaho ti soleni, mu hunzuluka, kasi a zionho za nwina zi fela ku vinyetwa, kasi ku chikela a zikhati za kuhumutwa hi le ka Hosi.

—Mitiro 2:38; 3:19

Loyi a fihlako zionho zakwe cima a nga ta kateka; kanilezi loyi a zi wulelako, a zi tsika, i ta mahe-lwa wuxinji.

—Mavingu 28:13

Hakuva a wusiwana legi a gi ranzako Nungungulu gi vanga ku-hunzuluka, loku munhu a nga hiko na ku ti sola ha kona, hakuva ka yisa kuhanayisweni; kanilezi a wusiwana ga misava gi vanga kufa.

—2 Va Le Korinte 7:10

Kanilezi loku a wakubiha a hunzuluka a tsika zontlhe a zionho lezi a zi mahileko, a hlayisa yontlhe milayo ya mina, a famba hi nayo ni nongameto, hizinene i ta hanya, a ngafi.

—Ezekieli 18:21

A wa kubiha ngha a tsika ndlela yakwe, ni loyi a nga lulamangiko a tsike maalakanyo yakwe; ngha a tlhelela ka Jehova, na yena i tava ni tipswalo kakwe, ni ka Nungungulu wa hina, hakuva i ta tsetselela hi matsenya.

—Isaya 55:7

Hakuva loku mu tsetselela vanhu a zigoho zabye, a Raru wa nwina wa le tilweni i ta mu tsetselelawu.

—Mateu 6:14

Jesu na a wona a kukholwa kabye, aku ka loyi a nga file reve ga tlhelo, Nwananga, a zionho za wena zi tsetselelwe. —Marku 2:5

...lezaku ha yena ku biwa hungu ka nwina hi kutsetselelwa ka zionho. ... Kanilezi Nungungulu i lo mu tlakusa hi canja gakwe ga xinene, a kuva Hosi ni Muhanyisi, kasi ku nyika kuhunzuluka ka Israeli, ni kutsetselelwa ka zionho. —Mitiro 13:38b; 5:31

Languta, nzi yimile nyangweni nzi gongonza; loku a munhu azwa a gezu ga mina a vulula livati, nzi ta enghena ka yena, nziga naye, na yena aga na mina.

—Kuvululelwa 3:20

Hakuva a tipswalo ta Nungungulu ti wonekile, ti neha kuhanyswa ka vanhu vontlhe, ti hi gonzisa ku tsika lezi zi nga lulamangiko ni kunavela ka misava, hi hanya ka nguva leyi hi kutikhoma ni kululama hi chava Nungungulu.

—Titusi 2:11, 12

Alakanyani a zilo za le hehla, na ku nga hi zilo za laha misaveni.

—Va Le Kolosi 3:2

Ngha mu nga hlengeli ni mitiro ya munyama leyi yi nga hiko na mihanzu, kanilezi yi tsetsuleni.

—Va Le Efesusi 5:11

Mu nga ranzi tiko, hambu ni zilo lezi zi nga lomu tikweni. Loku

munhu a ranza tiko, a liranzo la Dadani a li kona ka yena. Hakuva zontlhe lezi zi nga laha tikweni: a kunavela ka nyama, ni kunavela ka mahlo, ni kutikulisa hi kota ya zilo za loku kuhanya, a ziti hi ka Dadani, kanilezi zita hi lomu tikweni.

—1 Johani 2:15, 16

Nwina zibhayi, a mu zi tivi lezaku a wuxaka ni tiko mbulala ka Nungungulu ke? Hikwalaho kani hi wihi a nga ni wuxaka ni tiko i ti maha nala wa Nungungulu.

—Jakobe 4:4

Hlambani, mu ti basisa; susani mitiro ya nwina yo biha mahlweni ka mina; tsikani ku maha kubiha.

—Isaya 1:16

Ezekieli 36:26

Nzi ta mu nyika a mbilu yiswa, nzi mu chela a moyo muswa. Nzi ta susa a mbilu ya ribye nyameni ya nwina, nzi mu nyika a mbilu ya nyama.

1 Johani 2:29; 5:18

Loku mu tiva lezaku yena i lula-mile, zi tiveni lezaku ni wihi loyi a mahako lezi zi lulamileko i beleki-lwe hi yena. Hina ha zi tiva lezaku kani hi wihi a belekilweko hi Nungungulu a nga onhi; kanilezi loyi a nga belekiwa hi Nungungu-lu wa ti hlayisa, ni loyi wa kubiha a nga na ku mu henya.

2 Va Le Korinte 5:17

Hikwalaho loku munhu a hi ka

Kristu, ximahwa xiswa; a za kale zi hunzile, zi mahile ziswa.

Johani 3:3

Jesu i lo hlamlula aku ngalo ka-kwe: Hakunene loku munhu a nga belekiwi luswa, a nga na ku wona mufumo wa Nungungulu.

1 Va Le Korinte 6:11b

Kanilezi mu lo hlaziwa, mu basiswa, mu hlayelwa kululama a vitweni ga Hosi Jesu Kristu, ni le Moyeni wa Nungungulu wa hina.

1 Pedro 1:23

Nwina mu belekilwe luswa hi mbewu yi nga boliko, na ku nga hi leyi yi bolako; mu belekilwe hi mhaka ya Nungungulu, leyi yi hanyako yiku tsoma.

KUFA HI THLELO GA KUONHA— KUVUXWA HIKA KRISTU

29

Yena i lo mu vuxa, nwina lava mu nga wa file hi zihambuko ni zionho za nwina. —Va Le Efesusi 2:1

Hi yena a nga rwala zionho za hina mirini wakwe laha xihambaweni, lezaku hina na hi file hi tlhelo ga zionho, hi fela ku hanya kululameni. Nwina mu hanyisilwe hi tirimbiri takwe. —1 Pedro 2:24

Zonake loku mu vukile zinwe na Kristu, ngha mu hlota a zilo lezi zi nga le hehla, laho Kristu a nga kona, na tshamile hi le reveni ga xinene ga Nungungulu. Alakanani a zilo za le hehla, na ku nga hi zilo za laha misaveni. Hakuva

mu file, ni kuhanya ka nwina ku fihlilwe zinwe na Kristu ka Nungungulu. —Va Le Kolosi 3:1-3

Vona lava va nga va Kristu Jesu va belele a nyama yabye zinwe ni kumbilukela ni kunavela ka yona. Loku hi hanya hi ka Moya, a hi fambeni hi ka Moya.

—Va Le Galatia 5:24, 25

Kokwihi! Hina lava hi fileko hi tlhelo ga kuonha, xana hi nga ha hanyisa kuyini lomu ka kona ke? . . . Hizalezo na nwinawu, ti wule-ni lezaku mu file hi tlhelo ga kuonha, kanilezi mu hanyela Nungungulu ka Kristu Jesu.

—Va Le Roma 6:2 ni 11

Va Le Galatia 6:8

Hakuva loyi a byalelako a nyama yakwe, hi nyama i ta tshovela kubola; kanilezi loyi a byalelako a Moya, hi Moya i ta tshovela a wutomi ga pinzukelwa.

Johani 3:14, 15

Kukotisa lezi Mosi a nga tlakusa a nyoka xiwuleni, hizalezo N'wana wa munhu i fanelwe ku tlakuswa; aku kasi ni wihi a kholwako ka yena ave ni wutomi ga pinzukelwa.

Johani 17:3

A wutomi ga pinzukelwa hi kuva va ku tiva, wena Nungungulu wece wa zinene, na Jesu Kristu loyi u mu rumileko.

Loyi a kholwako ka N'wana i na ni wutomi ga pinzukelwa; kanilezi loyi a nga ingisiko N'wana a nga ta wona wutomi, hakuva a khulo ga Nungungulu gi tshamile hehla kakwe. —Johani 3:36

Hakuva a hakhelo ya kuonha hi kufa, kanilezi a xinyikiwo xa Nungungulu hi wutomi ga pinzukelwa ha Jesu Kristu a Hosi ya hina.

—Va Le Roma 6:23

Hizinene, nziku ka nwina: Loyi a zwako a mhaka ya mina, ni ku kholwa loyi a nzi rumileko, i na ni wutomi ga pinzukelwa; zonake a ngati kulamulweni, kanilezi i humele kufeni, a enghena wutomini.

—Johani 5:24

Va Le Roma 8:16

Ni wona Moya wutsumbu wu kustumunya zinwe ni moya wa hinalezaku hi vana va Nungungulu.

1 Johani 5:12, 13

Loyi a nga ni N'wana i na ni wutomi, loyi a nga hiko na N'wana wa Nungungulu a nga na wutomi. Nzi tsalile a timhaka leti ka nwinalava mu kholwako vitweni ga N'wana wa Nungungulu, lezaku kasi mu fela ku zi tiva lezaku mu na ni wutomi ga pinzukelwa.

Johani 14:21

Loyi a nga ni milayo ya mina, a yi hlayisa, hi yena loyi a nzi ranzako; ni loyi a nzi ranzako, i ta ra-

nziwa hi Dadani; na mina nzi ta mu ranza, nzi ta ti wonekisa ka yena.

Isaya 32:17

A ntiro wa kululama wu tava kurula, ni mihanzu ya kululama yi tava kuhumula ni kutsumba kala kupinzuka.

Va Le Galatia 4:6

Kota lezi mu nga vana, Nungungulu i rumela a Moya wa N'wana wakwe timbilwini ta hina, lowu wu vitanako, wuku: Abba, Dada-ni!

1 Johani 4:13

Lezi hi tivako ha zona lezaku hi tshama ka yena na yena i tshama ka hina, hi loku a hi nyikile a Moya wakwe.

KRISTU LOYI A TSHAMAKO MBILWINI WA NYIKA LITSAKO

Kanilezi makunu nzata ka wena; nzi kanelo lezi zilo na nza ha hitikweni, kasi a kutsaka ka mina ku fela ku mbhelela ka vona.

—Johani 17:13

Kanilezi nzi ta mu wona kambe, zonake a timbilu ta nwina ti ta tsaka, a nga kona loyi a ta nga mu tekela a kutsaka ka nwina.

—Johani 16:22b

Hakuva a mufumo wa Nungungulu a hi kuga ni kunwa, kanilezi hi kululama ni kurula ni kutsaka hi Moya wa ku Basa.

—Va Le Roma 14:17

Nzi belelwe zinwe na Kristu; ma-

kunu a nza ha hanyi mina, kanilezi hi Kristu a hanyako ka mina; ni kuhanya loku nzi hanyako makunu le nyameni nzi hanya hi kukholwa ka N'wana wa Nungungulu, loyi a nga nzi ranza, a ti nyikela hi kota ya mina.

—Va Le Galatia 2:20

Nzi mu byelile lezi, kasi a kutsaka ka mina ku fela ku tshama ka nwina, ni lezaku a kutsaka ka nwina ku mbhelela.

—Johani 15:11

Wena u ta nzi kangeta a ndlela ya wutomi; a mahlweni ka wena ku tele hi litsako, ni canjeni ga wena ga xinene ku tele hi kuxalala kala kupinzuka.

—Tisimu 16:11

Kanilezi loku mu nga ingisi a gezu ga Jehova, ni loku mu ala zi-leletelo zakwe, zonake a canja gakwe gi ta mu vukela, khwatsi hi lezi gi nga wa vukela vararu va nwina.

—1 Samueli 12:15

Xana a mu zi tivi lezaku mu malanza ya nwinyi loyi mu ti nyikelako kakwe, mu maha malanza ya loyi mu mu ingisako, kutani ya kuonha loku ku yisako kufeni, hambu ya kuingisa loku ku yisako kululameni ke? —Va Le Roma 6:16

Ni ku nyika nwina lava mu xani-sekako a ku humula zinwe na hina, laha Hosi Jesu a ta nga wonekeliswa hi le tilweni zinwe ni tingelosi ta ntamu wakwe phi-

ngweni ga nzilo, a ta va tlhelisela lava va nga mu tiviko Nungungulu, ni lava va nga ingisiko ivangeli ya Hosi ya hina Jesu. Vona va ta tsayiswa hi kulobyiswa ka pinzukelwa, va hlongolwa mahlweni ka Hosi ni ka kungangamela ka ntamu wa yona.

—2 Va Le Tesalonika 1:7-9

Languta, nza veka inyamutlha a xikatekiso ni nzhukano mahlweni ka nwina. A xikatekiso loku nwina mu ingisa a milayo ya Jehova Nungungulu wa nwina leyi nzi mu leletelako inyamutlha. Ni nzhukano loku mu nga ingisi a milayo ya Jehova Nungungulu wa nwina. —Deuteronomie 11:26-28a

Va Le Filipi 2:11

Kasi a tirimi tontlhe ti fela ku wulela lezaku Jesu Kristu i Hosi, a dumiswa Nungungulu Dadani.

Mateu 10:32, 33

Kani hi mani loyi a ta nga nzi vumela mahlweni ka vanhu, minawu nzi ta mu vumela mahlweni ka Dadani wa mina loyi a nga le tilwени. Kanilezi loyi a ta nga nzi ala mahlweni ka vanhu, minawu nzi ta mu ala mahlweni ka Dadani wa mina loyi a nga le tilweni.

Va Le Roma 10:9, 10

Hakuva loku u vumela hi nomu wa wena lezaku Jesu i Hosi, u kholwa mbilwini ya wena lezaku Nu-

ngungulu i mu vuxile hi ka vafileko, wena u ta hanyiswa. Hakuva munhu wa hlayelwa kululama hi kota ya kukholwa ka mbilu, a hanyiswa hi kuvumela hi nomu.

1 Johani 2:23

Kani himani a kanetako N'wana, yaloye a nga na Dadani; loyi a vumelako a N'wana i na ni Dadani kambe.

Luka 9:26

Hakuva kani hi wihi a ta ngava ni tingana ha mina ni timhaka ta mina, a N'wana wa munhu i tava ni tingana ha yena, laha a ta nga wuya kungangamele ni kakwe, ni ka Dadani ni ka tingelosi to basa.

Ti khomeni, mu rinzela; hakuva a nala wa nwina Satani wa famba-famba kota nghala leyi yi dzumako, a hlota loyi a ta nga mu khadamula.

—1 Pedro 5:8

A xihunza-milayo xi tata hi kota ya kutira ka Satani, na xi hi ni ntamu wontlhe ni ziwoniso ni zirewukiso za mawunwa.

—2 Va Le Tesalonika 2:9

A kuva u vulula mahlo yabye, kasi va huma munyameni vata kuwonekeleni, va suka ntanweni wa Satani vata ka Nungungulu, lezaku va tsetselelwa zionho, va va ni tshomba xikari ka lava va basisilweko hi ku kholwa ka mina.

—Mitiro 26:18

Mateu 4:1 ni 10, 11

Zonake Jesu i lo yiswa hi Moya xiwuleni, lezaku kasi a ya ringwa hi Satani. Kanilezi Jesu aku ngalo kakwe: Suka Satani; hakuva ku tsalilwe ku ngalo: Wena u ta khozela Hosi Nungungulu wa wena, hi yena yece u to mu tirela. Zonake Satani i lo mu tsika; languta, a tingelosi ti lota ka Jesu ti ta mu khozela.

Va Le Efesusi 6:10, 11

Hi kugumesa, tiyani Hosini, ni ntanwini wakwe wa hombe. Hlomani a matlhari wontlhe ya Nungungulu, kasi mu fela ku zi kota ku hlula a mano ya Satani.

Kota lezi a vana va hlengeleko a nyama ni nkhata, yenawu kambe i lo hlengela ka zona; kasi hi kufa kakwe a fela ku lovisa loyi a nga ni ntamu wa kufa, a nga yena Satani.

—Maheberu 2:14

Loyi a onhako ngwa Satani, ha-kuva Satani i onhile hi le kusangu- leni. Kanilezi a N'wana wa Nu- ngungulu i lo wonekeliswa lezaku a fela ku mbhetisa a mitiro ya Sa- tani.

—1 Johani 3:8

Himani a ta nga zi kota ku hi hambanyisa ni liranzo la Kristu ke? Ku ta ngha ku hi kukarateka, kutani hlomulo, kutani kuxanisi- wa, kutani i ndlala, kutani wuna, kutani timhango, kutani supado

ke? Kanilezi ka zontlhé lezi zilo ha hlula ni ku hlula ha yena loyi a nga hi ranza.

—Va Le Roma 8:35 ni 37

Hikwalaho ti koramiseni ka Nu- ngungulu; alani Satani, zonake i ta suka ka nwina. Tshinelani ka Nungungulu, na yena i ta tshinela ka nwina.

—Jakobe 4:7, 8a

Zonake i ta wonekeliswa a xihu- nza-milayo, loyi Hosi Jesu a ta nga mu daya hi xikuhe xa nomu wa- kwe, a mu lovisa hi kuwonekeli- swa ka kuwuya kakwe. A xihunza- milayo xi tata hi kota ya kutira ka Satani, na xi hi ni ntamu wontlhe ni ziwoniso ni zirewukiso za mawu- nwa.

—2 Va Le Tesalonika 2:8, 9

Hambu loku nzi nga wulawula
hi tirimi ta vanhu ni ta tingelosi,
kanilezi na nzi nga hi na liranzo,
nzi kotisa mpunzu wu vumako, ku-
tani nyangende a ngelengetako.

—1 Va Le Korinte 13:1

Kanilezi a mihanzu ya Moya hi
liranzo, ni kutsaka, ni kurula, ni
kutimisela, a wunene, ni kusasa, ni
kutsumbeka, ni kuolova, ni kuti-
khoma. —Va Le Galatia 5:22, 23a

Aku ngalo ka yena hi xikhati xa
wumbiri: Simoni, n'wana Johani,
wa nzi ranza ke? Aku ka yena:
Ina, Hosi; wa zi tiva ku ngalo nza
ku ranza. Jesu aku kakwe: Risa
tiyivu ta mina. —Johani 21:16

Loku mu nzi ranza, mu ta hlayi-
sa milayo ya mina. —Johani 14:15

Loku munhu a wula aku: Nza
mu ranza Nungungulu, na a ve-
nga makabye wakwe, wa hemba;
hakuva loyi a nga ranziko maka-
bye wakwe loyi a mu wonako, a
nga zi koti ku ranza Nungungulu
loyi a nga mu woniko.

—1 Johani 4:20

Loku mu ranzana, a vanhu vo-
ntlhe va ta zi tiva lezaku mu vapi-
zani va mina. —Johani 13:35

Hina ha zi tiva lezaku hi humile
kufeni hi enghena kuhanjeni, ha-
kuva ha ranza vamakabye. Loyi a
nga ranziko wa ha tshamile kufe-
ni. —1 Johani 3:14

Mitiro 10:39-41

Hina hi vakustumunyu va zontlhe lezi a nga zi tira le tikweni ga vaJuda ni le Jerusalema; kanilezi va lo mu daya hi ku mu hayeka sinyeni. Kanilezi Nungungulu i lo mu vuxa hi siku ga manharu, a vumela a kuva a woneka, na ku nga hi ka vanhu vontlhe, kanilezi ka vakustumunyu lava va nga wa hlawulilwe kale hi Nungungulu, ku nga hina lava hi ngaga hinwa zinwe naye anzhako ka kuva na a vukile hi ka vafileko.

Marku 16:9

Laha na a vukile ni mpunzu hi siku go ranga ga viki, a ku ranga i lo woneka ka Maria wa le Magda-

la, loye a nga hlongole ka yena a ntlhanu wa madimoni ni mambiri.

Johani 20:26-28

Loku ku hunzile a ntlhanu wa masiku ni manharu, a vapizani vakeva va wa hi lomo ndlwini, na hi kona Tomasi. Na ti valilwe tivati, Jesu i lo ta yima xikari kabye, aku ngalo: A kurula a kuve ka nwina. Zonake aku ngalo ka Tomasi: Tisa litih la wena laha, a mandla ya mina hi laya; tisa canja ga wena, u gi enghenisa laha reveni ga mina; u ngavi loyi a nga kholwiko, kanilezi kholwa. Tomasi i lo hlamula, aku kakwe: Hosi ya mina ni Nungungulu wa mina.

A KUVUKA HI KA VAFILEKO, KUTSUMBA KA HINA 39 KO NGANGAMELA

Johani 5:25 ni 28, 29

Hizinene, nziku ka nwina: A xikhati xa hata, xi kona ni lezi, laha a vafileko va ta ngazwa a gezu ga N'wana wa Nungungulu; lava va ta nga gizwa va ta hanya. Mu nga hlamlali hi lexi, hakuva xikhati xa hata, laha vontlhe va nga le zilahleni va ta ngazwa a gezu gakwe, va huma; lava va mahileko kusaseka, va vuka a kuya wutomini; ni lava va mahileko kubiha, va vuka vaya kulamulweni.

Va Le Roma 6:3-5

Kutani a mu zi tivi nwina lezaku hina hontlhe hi nga bapatize-lwa ka Kristu Jesu, hi lo bapatize-

lwa kufeni kakwe ke? Hikwalaho hi lahlilwe zinwe naye kufeni hi kubapatiza; lezaku kota lezi Kristu a nga vuxiwa hi ka vafileko hi kungangamela ka Dadani, hizalezo na hinawu hi fela ku famba hi mahanyela maswa. Hakuva loku hi tlhanganyisilwe zinwe naye hi ku fanana ka kufa kakwe, hi ta tlhanganyiswa naye kambe hi ku fanana ni kuvuka kakwe.

2 Va Le Korinte 4:14

Na hi tiva lezaku loyi a nga vuxa Hosi Jesu, i ta vuxa na hinawu zinwe na Jesu, a hi yimisa zinwe na nwina mahlweni kakwe.

Luka 1:74, 75

A ku hi nyika lezaku laha na hi tlhatlhkile mandleni ya valala va hina hi ta mu tirela na hi nga chaviv nchumu, hi kubasa ni kululama mahlweni ka yena masikwini wontlhe ya hina.

2 Va Le Korinte 7:1

Hikwalaho na hi hi ni zitsumbiso lezi, varanzekako, a hi ti hlazeni kunyenyezeni kontlhe ka miri ni moyo, hi mbhelelisa a kubasawa ka hina a kuchaveni ka Nungungulu.

Mateu 3:11

Mina nzi mu bapatiza hi matikasi mu hunzuluka; kanilezi loyi a tako nzhako ka mina i na ni ntata

mu ku nzi hunza mina; a nzi faneli ni ku rwala zilato zakwe; yena i ta mu bapatiza hi Moya wa ku Basa ni nzilo.

2 Timote 2:21

Hikwalaho loku munhu a tswukana ni mitiro ya kunghaho, itava xibya xi dzunziwako, lexi xi basisilweko, xi faneleko ku tiriswa hi nwinyi wa xona, na xi longiselelwae a mitiro yontlhe yo saseka.

1 Pedro 1:15

Kanilezi kota lezi a basileko loyi a nga mu vitana, ngha nwinawu mu basa matshamelweni wontlhe ya kuhanya ka nwina.

Hizalezo na Jesu i lo xaniseka lahandle ka nyangwa, lezaku a fela ku basisa vanhu hi nkhata wakwe. —Maheberu 13:12

Kota lezi a nga hi hlawula ka yena na ku nga se ku seketelwa misava, lezaku hi tava va kubasa, hi nga hiko na bawa mahlweni ka yena. Mu ambala munhu muswa, loyi a vangilweko ku fanana ni Nungungulu kululameni ni kubaseni ka zinene.

—Va Le Efesusi 1:4; 4:24

A gonzo gi tava kona laho, ni ndlela, leyi yi ta nga vitanwa aku i Ndlela yi basileko; a vangahlaze-kangiko va nga ta hunza ha yona, yi tava ya vona voce; lava va ta

nga famba ndleleni leyo, hambu loku va hi zipumbu va nga ta la-bleka.

—Isaya 35:8

Loku hi vumela a zionho za hina, Nungungulu i tsumbekile ni kululama, lezaku a hi tsetselela a zionho za hina, ni ku hi hlaza kontlhe a kungalulami.

—1 Johani 1:9

Kota lezi zontlhe lezi zi ta nga nyamalaliswa, nwina mu fanele a kuva vanhu ba kuyini mahanyeleti wontlhe yo basa ni wukhongeli!

—2 Pedro 3:11

Lavani kurula ni vanhu vontlhe, ni kubasiswa loku munhu a nga zi kotiko ku wona Hosi loku a nga hi nako.

—Maheberu 12:14

Makunu loku nwina, na mu bihi-le, mu tiva a ku va nyika a zinyiki-wo zo saseka a vanana va nwina, a Raru wa nwina wa le tilweni a nga ta hunzeleta, a ku nyika a Moya wa ku Basa ka lava va mu kombelako ke?

—Luka 11:13

Laha na va khongele, a wutshamu legi va nga tlhangene ka gona gi lo tsekatsekiswa, vona vontlhe va tatiswa hi Moya wa ku Basa, va kanel a mhaka ya Nungungulu hi kutiya.

—Mitiro 4:31

Nzi ta mu chela a Moya wa mi-na nzeni ka nwina, nzi mu fambisa zilayelweni za mina, mu ta hlayisa a zileletelo za mina, mu zi maha.

—Ezekieli 36:27

Kanilezi nwina a mu hanyi hi ka nyama, mu hanya hi ka moya, loku a Moya wa Nungungulu wu kari wu tshama nzeni ka nwina. Kanilezi loku munhu a nga hi na Moya wa Kristu, a hi wakwe.

—Va Le Roma 8:9

Kanilezi mu ta nyikiwa a ntamu, loku wu tile hehla ka nwina a Moya wa ku Basa; zonake mu ta maha vakustumunyu va mina. . . .

—Mitiro 1:8

Hakuva i wa hi munhu nene, a teleko hi Moya wa ku Basa ni kuholwa.

—Mitiro 11:24a

Ni vapizani va lo tala hi kutsaka ni Moya wa ku Basa.

—Mitiro 13:52

Jehova i kusuhi ni lava va tsho-
vekileko timbilu; a hanyisa lava
va nga ni moya wu panzekileko.

—Tisimu 34:18

Hakuva zontlhe lezi zilo zi ma-
hilwe hi canja ga mina, hikwalaho
zontlhe zi lova kona, ku wula
Jehova. Nzi ta cuwuka loyi a ti
tsongahatako, a nga ni moya wu
tshovekileko, loyi a rurumelako hi
gezu ga mina. —Isaya 66:2

Jesu aku ngalo kakwe: Loku nzi
zi kota! Zontlhe za kote ka loyi
a kholwako. —Marku 9:23

Varanzekako, mu nga dzukiswi
hi nzilo lowu wu nga xikari ka

nwina lowu wu tako ku ta mu
ringa, aku khwatsi xilo xiswa xi
mu humeleleko. Kanilezi tsakani
loku mu hlengela kuxanisekeni ka
Kristu, kasi laha kuvululelwani
ka kungangamela kakwe mu fela
ku tsaka muva ni zigingi.

—1 Pedro 4:12, 13

I ta kulula mihloti yontlhe
mahlweni yabye. Ku nga ha ta va
kona kufa, hambu ni hlomulo, ku-
tani kurila ni kubayisa; hakuva a
zilo zo sangula zi hunzile.

—Kuvululelwani 21:4

Tsumba Jehova, u maha kusa-
seka; lezo u ta aka tikweni, u tsu-
mbeka. —Tisimu 37:3

Maheberu 2:18

Hakuva lezi yena wutsumbu a nga xaniseka a ringwa, wa zi kota ku vunetela lava va ringiwako.

Va Le Roma 16:20a

Nungungulu wa kurula i ta hata a lamata Satani lahasi ka mikonzo ya nwina.

Tisimu 34:19

A makhombo ya loyi a lulamileko manyingi; kanilezi Jehova wa mu hlanguta ka wona wontlhe.

Isaya 43:2

Hambu loku u tsemakanya matini, nzi tava na wena, loku u tsemakanya micongo, cima u nga ta mbemba, loku u famba lomu

nzilweni u nga taswa, ge hambu ku hiswa hi malangavi.

Va Le Roma 8:28

Hina ha zi tiva lezaku zontlhe zi tlhangana zi tira zinwe a kusaseka a ka vona lava va ranzako Nungungulu, lava va vitanilweko hi khungo gakwe.

1 Va Le Korinte 10:13

A mu se nga humelwa hi nzhingo ahandle ka lowu munhu a wu kotako ku rwala; Nungungulu i tsumbekile, a nga ta vumela a kuva mu ringwa ku hunza a ntamu wa nwina; kanilezi i ta mu mahela a ndlela ya kupona loku wuta nzhingo, kasi mu ta zi kota ku wu rwala.

Kuvululelwa 3:12

Loyi a hlulako nzi ta mu maha mhanze tempeleni ya Nungungulu wa mina, zonake a nga ta huma kona kambe. Nzi ta tsala hehla kakwe a vito ga Nungungulu wa mina, ni vito ga muti wa Nungungulu wa mina, ga Jerusalema giswa, legi gi relelako hi le tilweni ka Nungungulu wa mina, ni vito legi giswa ga mina wutsumbu.

Kuvululelwa 3:5

Loyi a hlulako i ta ambexwa tinguwo to basa; cima nzi nga ta vinya a vito gakwe bhukwini ga wutomi, nzi ta vumela vito gakwe mahlweni ka Dadani wa mina, ni mahlweni ka tingelosi takwe.

Kuvululelwa 3:21

Loyi a hlulako nzi ta mu nyika a kuva a tshama zinwe nga mina xi-tshanwini xa mina xa wuhosi, kota lezi mina nzi nga hlula, nzi tshamile na Dadani wa mina xi-tshanwini xakwe xa wuhosi.

Kuvululelwa 21:7

Loyi a hlulako i taga a tshomba ya lezi zilo; nzi tava Nungungulu wakwe, yena i tava nwananga.

Kuvululelwa 2:7

Loyi a nga ni tindleve, ngha a ingisa lezi a Moya wu byelako mabandla. Loyi a hlulako nzi ta mu nyika a kuva aga sinya ya wutomi, leyi yi nga kona Paradiseni ga Nungungulu.

46 NUNGUNGULU WA WULAWULA KA HINA XUNGETANO HI KUHAMBANA KA NUNA NA SATI

1 Va Le Korinte 7:10, 11

Kanilezi nza laya lava va teke-neko, na ku nga hi mina, kanilezi hi Hosi, nzi ngalo: A wasati ngha a nga suki nuneni wakwe, (kanilezi loku a suka ngha a tshama a nga tekiwi, kutani a tlhela a zwanana ni nuna wakwe;) ni wanuna ngha a nga tsiki a sati wakwe.

Va Le Roma 7:2, 3

A wasati loyi a tekilweko i bohi-lwe hi nayo ka nuna wakwe loku a ha hanya, kanilezi loku nuna wakwe a file, i tlthatlhisilwe nayweni wa nuna. Hikwalaho ke, loku yena a tekiwa hi munwani wanuna na a

ha hanya a nuna wakwe, yena i ta wuliwa aku xibhay; kanilezi loku a file nuna wakwe, zonake i tlhatlhkile nayweni

Luka 16:18

Kani hi wihi a hlongolako a sati wakwe, a teka munwani, wa bhaya; ni loyi a tekako sati a hlongolweko hi nuna, wa bhaya.

Mateu 5:32

Kanilezi mina nziku ka nwina: Kani hi mani a hlongolako a sati wakwe, a handle ka mhaka ya wubhay; wa mu bhayisa; kani hi wihi a ta nga mu teka laha na hlongolwe wa bhaya.

Hambu loku nzi famba nzi ya mu longisela wutshamu, nzi ta wuya kambe, nzi ta mu teka muta ka mina; kasi laha nzi nga kona, mu fela kuva kona na nwinawu.

—Johani 14:3

Nzata lokuloku; khomisia lezi u nga nazo, kasi u nga tekelwi a xidlodlo xa wena.

—Kuvululelwa 3:11

Hakuva loyi a nga ni tingana ha mina ni timhaka ta mina xizukulwaneni lexi xa wubhayi ni kounha, a N'wana wa munhu kambe i tava ni tingana ha yena, laha a ta nga wuya hi kungangamela ka Raru wakwe, zinwe ni tingelosi to basa.

—Marku 8:38

Mateu 24:30

Zonake ku ta woneka le tilweni a xiwoniso xa N'wana wa munhu; kwalaho a tixaka tontlhe ta misava ti ta rila loku ti wona a N'wana wa munhu na ata hi mafu ya tilo ni ntamu ni kungangamela ka hombe.

Jakobe 5:8

Ngha nwinawu mu timisela, mu tiyisa timbilu ta nwina; hakuva a kuwuya ka Hosi ku tshinele.

Mateu 24:27

Hakuva kota lezi a kuhatima ku humako hi Mutsuwuka-gambo, ku woneka ni le Muhlwa-gambo, ku tava nghaho a kuwuya ka N'wana wa munhu.

Vaku ngalo: Vavanuna va le Galilea, hi yini mu yimileko mu cuwuka tilweni ke? Jesu loyi a susilweko ka nwina aya tilweni, i ta wuya kota lezi mu mu wonileko na aya tilweni.

—Mitiro 1:11

Zonake va ta wona N'wana wa munhu na ata hi refu, a hi ni ntamu ni kungangamela ka hombe.

—Luka 21:27

Varanzekako, makunu hina hi vana va Nungungulu; kanilezi a zi se ku wonekeliswa lezi hi ta ngava zona. Ha zi tiva lezaku loku yena a wonekeliswa, hi ta fanana naye; hakuva hi ta mu wona kota lezi a nga zona. Ni wihi loyi a nga ni kutsumba loku ha yena, wa ti basisa,

kota lezi yena a basileko.

—1 Johani 3:2, 3

Languta, nzata khwatsi hi khamba; i katekile loyi a rinzelako a hlayisa tinguwo takwe, lezaku a nga fambi a hi ximbyiri, va wona tingana takwe.

—Kuvululelwa 16:15

Na nwinawu, ngha mu tshama mu longile; hakuva a N'wana wa munhu i ta wuya hi xikhati mu nga xi alakanyiko.

—Luka 12:40

Hakuva a N'wana wa munhu i tata hi kungangamela ka Raru wakwe, zinwe ni tingelosi takwe; hi kwalaho i ta chachazela munwe ni munwani kotisa mitiro yakwe.

—Mateu 16:27

A MHAKA YA NUNGUNGULU

2 Pedro 1:21

Hakuva cima a ku na kuprofeta loku ku tileko hi kuranza ka munhu; kanilezi vanhu na va su sumetilwe hi Moya wa ku Basa va lo kanel a lezi zi nyikilweko vona hi Nungungulu.

2 Timote 3:16

Yontlhelele mitsalo yi pimisi-
lweko vanhu hi Nungungulu ya
vuna kugonziseni, ni kukawuke-
ni, ni kululekeni, ni kulayeni hi
za kululama.

Tisimu 119:105

A mhaka ya wena i kandiya
mikonzweni ya mina, ni kuwone-
kela le ndleleni ya mina.

KU KHONGELA NI KU TSETSELELA

Hikwalaho khongelani kota le-
zi: Dadani wa hina wa le tilweni,
a vito ga wena a gi hlawuliwe. A
wute mufumo wa wena. Kura-
nza ka wena a ku mahiwe misa-
veni, kota lezi ku mahiwako le ti-
lweni. Hi nyike nyamutlha a ku-
ga ka hina ka siku ginwani ni gi-
nwani. Hi tsetselele milanzu ya
hina, khwatsi hilezi hi va tsetse-
lak o lava va nga ni milanzu ka
hina. U nga hi yisi minzhingwe-
ni, kanilezi hi tlhatlhise ka loyi
wa kubiha. Hakuva loku mu tse-
tselela vanhu a zigoho zabye, a
Raru wa nwina wa le tilweni i ta
mu tsetselelawu. — Mateu 6:9-14

Published in numerous languages by World Missionary Press, Inc.,
as God supplies funds in answer to prayer. **For questions or more
information by country, visit: www.wmp-contacts.org**

A bukwana legi gi
Thlanganisilwe
hi Watson Goodman

World Missionary Press
PO Box 120
New Paris, IN 46553-0120 USA
www.wmpress.org

9-24

Read booklets online or by App
www.wmp-readonline.org

219 Tshwa HFA

